

ՀՀ Արագածոտնի մարզպետ Սարգիս Սահակյանի շնորհավորական ուղերձը

Նոր տարվա եւ Սուրբ Ծննդյան տոների կապակցությամբ

Սիրելի հայրենակիցներ՝ շնորհավորում եմ բոլորիս՝ Նոր տարվա եւ Սուրբ Ծննդյան տոների կապակցությամբ:

Մարդկությունը հրաժեշտ է տալիս 2015 թվականին: Տարի, որ լի էր ինչպես կյանքի ամենատարբեր ոլորտներում արձանագրված ձեռքբերումներով, այնպես էլ՝ աշխարհաքաղաքական բազմաբնույթ իրադարձություններով: Պատմության մեջ դրանք կմնան որպես երկրների, պետությունների համար կարեւորագույն իրադարձություններ, կնշանավորվեն իբրեւ նոր երեւոյթների ու ձեւավորումների դրսեւորումներ:

Անցնող տարին հազեցած ու նշանակալի էր մեր երկրի համար: Համայն հայությունը նշեց Հայոց ցեղասպանության 100-րդ տարելիցը: Այդ կապակցությամբ հայ ժողովրդին միացան, իրենց զորակցությունը հայտնեցին եւ ողջամիտ ու մարդասիրական ձայնը բարձրացրին աշխարհի բոլոր առաջադեմ պետությունները:

Աներկբա է, որ երկրի նախագահի, իշխանությունների վարած արտաքին եւ ներքին արդյունավետ քաղաքականության շնորհիվ սոցիալ-տնտեսական, կրթական, մշակութային, հոգեւոր ոլորտներում արդեն իսկ ունեցած ձեռքբերումները բազմապատկվելու են, եւ նոր առաջընթացներ են ուրվագծվելու Հայաստանի Հանրապետության համար, մոլորակի բոլոր ծայրերում ապրող հայության համար:

Կրկին շնորհավորում եմ Ամանորն ու Սուրբ Ծնունդը: Թող որ նոր՝ 2016 թվականը լինի խաղաղության, քաղաքակիրթ աշխարհի, պետությունների միջեւ փոխըմբռնման, բարեկեցության եւ առաջընթացի տարի:

Շնորհավո՛ր Ամանոր եւ Սուրբ Ծնունդ: